



陽坡集  
乳

先系  
後昆  
送稿  
考實

廿二

又?  
4101  
1



明 文 7  
號 4101  
卷 1-2



文正公陽坡先生實紀序  
德衍文辭學世之美用也  
忠貞楊立表世之特節也  
之二道亦相矛盾而始終  
自是一理矣臨事此二途  
苟能循一理之所當為而

不以目前禍福易其守則  
豈非凝然君子之大哉乎  
愚於陽坡先生洪公躬蹟  
不覺擊節之歛衽也公以  
卓偉剖河之流當滕圃  
之季與稼雪諸賢日焚

香讀書及在釋褐而登  
第也舉聞日教進途大  
闊悲矣藝苑素公掄選  
公之德仍文敵可謂見用  
於公多矣且日加淬礪每夕  
沐浴具冠帶仰拜天星

嘗曰之日膏中多子至家  
善其尋常所自的必有  
人不及知者矣豈但心於趙  
清熱治之之法乎是以入  
侍經帳則繩愆弼違勿  
欺也而犯之者誅鑿與則

知有君而不知子乃以之再  
奠宗社重策元勳何在  
偉哉及至禍起蕭牆亮賊  
臨門則尹和靖之徒步渡  
淮濠伯玉之內亂而與家  
卒為一時遜絕之道而身

为首相若君何之志我激  
於血腔然魚判於立地不  
挫不辱得正而終豈此得  
力於立字也乎然則公之  
立朝始終可知也一理榮於  
何嘗有若於平以衰也耶

稼亭陽村諸先生為撰  
狀多序錄首末甚詳  
皆信筆也抑以遺文不  
少如簪珥鉅閱之用諸  
賢性從之作也蓋君子百  
其篇而後素初火之解

只有七首诗清高澹雅  
不似熱歲言扣口象馬  
曰果竟功名爲底用回  
頭五十二年非是時也  
公之殉節只滿二歲矣  
尚城心山信子哦詩了

善一毫無礪祿位之念  
而卒不得免於禍矣望天  
所以教公忠義之節以  
扶植宇宙人紀耶嗚呼  
悽矣日公之遠孫文園抱  
公遺蹟以爲門老持憲君

漢之書抵石佞曰先祖崇  
勲卓節既有諸先等撰  
述文字年厓老先生又於  
洪氏族譜序文感有所  
補道系得先生後孫第  
端弁之卷首則於先蹟

有光矣不佞固眇然後  
生學雖後劣何敢生意  
於佛頭之著穢只緣供  
君素義之至重有不能以  
石文辭謹書平日所談  
於中亦以竊附我先人

弁謔之筆云爾

上

之四家甲子春分節通

改大夫前行敦寧府都

正豐山柳塗序

陽坡先生實紀目錄

卷之一

先系

後昆

卷之二

逸稿

天壽寺追和崔斯立韻

又

慈孝寺和蓮樓詩韻

北山途中

陽坡先生實紀

目錄

一





城南

題御書尹栗亭澤真

拱北樓應製

考實

高麗史

東國通鑑

麗史提綱

東史會綱

東史綱目

東文選

輿地勝覽

稼亭集

益齋集

雲谷集

牧隱集

三峯集

舊族譜序節略

甲辰譜序節略

八代孫瑋墓碣銘節略

卷之三

贊述上

本傳

東賢事略

義烈傳

行狀

良川社奉安文

常享祝文

廟宇移建時奉安文

實紀刊役告成文

卷之四

贊述下

年譜

陽坡先生實紀目錄終

陽坡先生實紀

目錄

三



陽坡先生實紀卷之一

端誠亮節輔理安社功臣門下侍中南陽侯謚文正

公洪公諱彥博字仲容號陽坡事實并見考實贊述諸篇

夫人安東權氏○父文科重大匡都僉議贊成

事大學士吉昌府院君昌和公諱準號松齋祖文

科推誠翊祚同德輔理功臣三重大匡領都僉

議司事大學士永嘉府院君文正公諱溥號菊齋

曾祖文科端誠亮節功臣壁上三韓三重大匡

僉議贊成事判選部事大提學文清公諱旦號

菴外祖密直使寶城吳仁永寶城一作珍原○有四子

二女子師普師範師禹師瑗并見後女柳淵州

人知門下府柳厚

先系

紀蹟之書例首先系重本源也謹依忠平公  
事蹟考條例首撰為先系

本貫南陽府本高句麗唐郡新羅景德王改

麗初復唐城郡顯宗革為水州屬郡後移屬仁

州明宗又并雙阜復唐城縣忠烈王陞益州又

始祖唐學士新羅德山村主

公之先本中國江南人唐貞觀年間帝選才子八

學士往教高句麗其一洪氏即公也乘舟浮海來

泊于南陽府之銀樹浦家于郡西遂為東國人時

人名其地曰唐串號其城曰唐城蓋大其唐而名

之也後遂因為郡名及高句麗亡仕新羅封德山

村主自是國家禮待子孫世貴李牧隱唐城引記

公東來之事甚詳詩見考實篇可見公德業之超異名

位之世襲而譜佚不傳至高麗初有後孫殷悅始

記譜牒自貞觀距麗初為三百年則其間洽為十

世年數矣古唐城在今府西二十里屬掌苑寺菓

園

昔有一宗人遇老釋於山寺名曰法雲自言俗姓洪解其鉢果有譜牒乃公之後孫安武公達孫之裔而自學士公以下名字官職事實配位載之甚詳下至太師公果滿十世宗人傳騰以歸流播宗中愚嘗就此譜參考於東史及諸家譜十份真的而姑無他書之證以俟後考若其載於先系只以別有考源錄一

諱天一世  
諱天得唐字明甫○唐貞觀癸卯高句麗榮留王遣使請得唐文學之士以教革夷俗於是太宗遣八蓋蘇文之亂公聞善德王善養避亂浮海奔新羅善德王待以上賓日致禮饗封德山村主其後神文王改封唐城伯○墓在廣州掛乾洞辰坐丑未得戊破子諱文命  
諱文命○神文王時公討平金馬以大舒發翰封

唐城侯公能事已了間退不仕○墓在仁川佛洞西坐○配宋氏父唐禮部尚書勘○有一子諱興夏三世

諱興夏○聖德王時登第官至正角干諱文顯公○墓在仁川佛洞○配水原白氏父副都督絢

諱陟海○大阿餐諱文成公○墓在興安直谷里○配慶州薛氏父大角干伊祥祖匣干承益曾祖

諱陟海○大阿餐諱文成公○墓在興安直谷里○配慶州薛氏父大角干伊祥祖匣干承益曾祖

諱協理○以大都督哀莊王遇殺時侍側被害公性本忠直力學善寫文聖王時追封唐恩伯諱文忠公○墓在吉昌郡明玉洞○配慶州金氏父昭聖王祖世子追封忠惠王仁謙曾祖元聖王○有

陽坡先生實紀

先系

三

一子諱慎濟

諱慎濟○僖康王時金明弒王自立公慨然責角

干金陽曰何不討逆乃陰與金陽討明誅之立神

武王祐徵既立大功即退不仕後文聖王累拜大

官皆辭不就特封大肩千唐恩侯諡曰忠武公○

墓在寶城郡慕聖洞○配貞明夫人李氏父舒發

翰義山○有二子二女第一子諱貢

諱貢○三重大匡○配竹城朴氏父侍中文節公

光烈○有二子第一子諱警汝

諱警汝○以萊城執事封唐城伯時真聖女主淫

穢瀆亂潛引年少美丈夫私之授以要職由是俊

倖肆志紀綱壞圯四方盜賊大起公與弟沙干楊

汝晦迹不仕○有一子諱夢疇

諱夢疇○詹事追封三重大匡○墓在兔山祥雲

坂西坐良得丙破○配稷山全氏父大阿干得大

○有一子諱殷悅

十一代祖考諱東周

東固○文科太中大夫太府卿

陽坡先生實紀 先系 四

一世釋鉢之譜未及質正

十二代祖考諱殷悅殷字無○匡翼效節獻襄定難弘

濟奮庸亮采保乂經濟功臣三重大匡太師○佐高

麗太祖有翊戴功事見牧隱望海樓記淡菴白文寶

集○墓在兔山西面吹笛峯丙坐良與得丙破

妣金交郡夫人金交金氏○父沙餐元甫諱公

南祖沙餐諱禮千曾祖德山村主諱教外祖沙

干賢平卿本金交○有二子第一子諱東周

二世

十一代祖考諱東周

妣古昌郡夫人安東金氏○父匣干諱柰興祖  
大角干諱光偉外祖寶城執事薛文德本慶州  
○有四子第一子諱毅

三世

十代祖考諱毅○文科銀青光祿大夫尚書右僕射  
○墓在晉州廣濟山洪池洞辛坐丙壬得卯破

妣漢南郡夫人水州房氏○父書史儒令諱元  
要祖大匡諱貞儒外祖南平村主綠朱郎○有  
五子第一子諱灝

四世

九代祖考諱灝○文科衛尉寺卿太子詹事追封銀  
青光祿大夫尚書右僕射

妣唐城郡夫人唐城洪氏○父少府少監諱涉  
祖丞諱忻方外祖侍郎姜文渭本永同○有六  
子第一子諱德升

五世

八代祖考諱德升初諱德公○文科中散大夫檢校軍器  
監事

妣大寧郡夫人海州崔氏○父司天監事諱得  
興祖殿中少監知太子局事諱子廉外祖戶部

尚書宋融○有一子諱灌

六世

七代祖考諱灌字無黨號靜軒○文科金紫光祿大夫守司空尚書左僕射寶文閣大學士贈推誠報國功臣三重大匡開府儀同三司檢校太保守太尉門下侍郎同中書門下平章事判尚書禮部事上柱國諡忠平公○公篤學力行肅宗時登第睿宗建清謙閣創經筵之講極選當代老師置學士公首膺其選日講堯舜周孔之道麗朝文治實自此始至仁宗丙午朝鮮國公李資謙稱兵犯闕公聞變馳赴鎭城入

侍翊衛王側不離左右及資謙焚宮闕逼王出御南宮公陪至西華門死之文章筆法皆擅當時事見麗史○墓在安城青龍寺後云

妣松陰郡夫人松林金氏○父太子太師諱崔命祖軍器監事諱貽寶曾祖衛尉寺丞諱戩外祖尚書都官郎中庾璜本平州○有一子二女子諱至柔

七世

六代祖考諱至柔字克剛○文科金紫光祿大夫參知政事兵部尚書



妣桂陽郡夫人樹州李氏○父門下侍郎平章  
事平簡公諱向本玉邊向字邊  
太師門下侍中文忠公諱靖恭曾祖追封內給  
事諱書外祖文科佐理功臣守太尉門下侍郎  
平章事贈太師中書令貞敬公任懿本定安○  
有三子三女第一子諱元中

八世

五代祖考諱元中字大時○文科軍器都監判事  
妣陰平郡夫人竹州朴氏○父知門下省事尚  
書左僕射諱育和祖文科樞密院副事忠質公

諱挺蕤曾祖戶部尚書判三司事諱永侯外祖  
尚書左僕射判三司事李頊本仁州○有一子  
諱斯胤

九世

高祖考諱斯胤○文科銀青光祿大夫尚書左僕射  
樞密院副使兵部尚書○事見麗史

妣溟洲郡夫人溟洲王氏○父閣門祗候諱嗣  
宗祖太僕寺卿諱輔曾祖侍郎諱台紹外祖文  
科國子監直講黃文富本黃州○有四子第一  
子諱縉

十世

曾祖考諱縉○文科銀青光祿大夫兵部尚書翰林院學士承旨樞密院副使○遍歷清顯屢掌貢舉元宗丙寅卒事見麗史

妣辰韓國夫人慶州金氏○父尚書左僕射諱叔和祖文科大提學文節公諱徵瑞曾祖門下侍郎平章事靖平公諱鳳毛外祖禮部侍郎海陽府院君金祥麟本海陽○有一子諱奎妣昌原郡夫人東州崔氏○父內侍監門衛參軍諱貺祖文科門下侍中宣肅公諱宗峻曾祖

文科守太傅門下侍郎平章事文懿公諱誦外祖門下平章事金仲龜○有四女

十一世

祖考諱奎字汝璧初諱文系號壽齋○文科奮策拯難扶危安社推誠陳力定安功臣壁上三韓三重大匡匡靖大夫商議僉議都監事中贊上護軍判典理司事南陽府院君致仕諡匡定公○高宗癸巳生元宗已巳賊臣林衍廢王幽別宮立王弟淸元帝責令復立行不得已復王位王如蒙古未幾衍死子惟茂繼執國命庚午夏元帝率兵護王歸國惟茂擁兵拒之公

受社稷之密托集三別抄論以大義討誅惟茂于市  
罷權制移都貴都房兵清野迎王于行宮還都松京權臣所  
年以終牧隱唐城引曰壽齋獨步江都末即指公時忠肅丙辰也事見麗  
史我朝嘉其忠義採入三綱行實

妣三韓國夫人翼州金氏○父參知政事判三  
司事諱鍊祖興威衛大將軍諱龍曾祖門下平  
章事諱元義外祖禮部侍郎庾弘本茂松○有  
一子五女子諱戎  
十二世

考諱戎○重大匡都僉議中贊判三司事南陽府院  
君諡莊簡公○公淳謹克家麗朝賢妃必稱明德公  
以同氣為大臣有所助云忠肅已卯卒事見麗史○  
墓在楊州北面黃旨音洞庚坐云

妣通義郡夫人羅州羅氏○父知密直司事軍  
簿判書諱裕祖尚書左僕射判戶部事諱得璜  
曾祖禮部尚書諱孝全外祖門下侍中復興府  
院君忠武公趙文柱本白州○有三子四女第  
一子澍三司左史第二子諱彥博即第三子彥

猷判密直司  
猷事南陽君

妣黃氏○父知都僉議司事諱元吉○有一子  
一女子彥修判中樞府事

後見

先系之下必記後昆知源之有流也但公之  
去世既遠子孫遍於八路有不能盡錄故五  
代以後則只取科第有官者記之雖無科第  
若有行義顯褒文集刊行者亦錄蓋倣忠平  
公事蹟考例而稍廣其法也實紀重修在辛未歲登刊在丙申故自後昆十三代子孫數及科第依新譜增錄

子

師普判開城尹師範知密直司事師禹知密直司事師瑗

工曹典書

孫

師普子寬伏誅憲坐宿直司寅直司○師範子恕佐命功臣

公涓略定○師禹子彝觀察使倫謀逆○師瑗子允康

仲康少監季康廣興倉使叔康

曾孫

憲子鐸賢判書雲信賢善賢判書○恕子涉都摠復

興正復中復立○涓子仁補郎○彝子仁老少義老

軍上護信老○仲康子澤正司季成判事季柔○季康子自

溫萬自良自恭自亨直自讓躬

玄孫

鐸賢子太元直版圖閣○善賢子熙縣監○復興子錫廣州府尹

南城君鑑軍器寺正○復中子海唐城○仁補子渙定平府使○

仁老子德從瑞郡福從主簿吉從司慶從○義老子

治府使○信老子致明將上○自溫子孝門悌門進勇忠校尉

門信門○自恭子漢生○自亨子衍孫訓導○自讓子

長綸諫秀綸習

五代孫

太元子貴淵○熙子思議縣監○錫子仁達檢孝達郎正

信達都事敬達郎佐○渙子璇副司琳進士○德從子允卿

儀引○瑞從子性孫護軍○福從子九叙判官○吉從子敏

孫演武科鐵欽孫○治子達武科靖難功臣左

安武順孫武科靖難功臣判貴孫簿主○孝門子贊全

○悌門子義全○忠門子順孫○信門子澍○漢生

子允濟訓鍊副正○衍孫子世瑚參奉世琛傳世璣參○秀

綸子達河

六代孫凡五十二人

思議子仁孫府使貴孫判書曹○仁達子滄將上○孝達子

清郎正○璇子元碩府判書亨碩習利碩判貞碩縣監禹碩府使

丞碩簿主○允卿子禹平萬○九叙子永遜使○達孫

子忻武知○慣司監○義全子禹軾奉○達河子鷓部將

七代孫錄凡六十三人

貴孫子汴侯○清子自修節旌○敬達子次子自

貞守郡○元碩子深使○禹碩子隰進○九叙子永順

子處誠郡守○演孫子浩子允達簿○達孫子忭子

忠謙奉○慣子有謙都承○崇謙正○順孫子慄子孟

謙生員○仲謙守郡○禹軾子訢訓導

八代孫錄凡六十四人

汴子允元奉○允亨奉○仁達子樹子自亨子霽監

孝達子澤子自明子雲簿○自修子震副電○庶

子季男起義○有紀蹟碑○貞碩子澤子世直樞○

禹碩子陸子世敬判官○隰子天敏兼司○忻子信謙

子禎進士○忠謙子澤正○有謙子興祚○仲謙

子泌武科○贊全子禹平子潤國子周英都○訢子

璋號西潭○生員文集○璞正

九代孫錄凡九十八人

貴淵子微生子溥子希齡子天頤將○天議賦○天

壽守門○允亨子夢麒員○季男子世虎使○自貞

子溫子禎監○深子世安子浹奉○隰子世謙子進

海簿主啓海使○九叙子永順子虞讓子允熙子漑直  
濬直涵直○處誠子壽海庶子澱直濟直○禎子  
友良監○祈子信謙子祥子友益監○興祚子得  
梁直繼梁直○周英庶子四慶直○瑋子宗慶直善  
慶都禁府

十代孫凡百四十二人

思議子信孫子淳亨子億輔子彥仲子敬男武科○  
夢麒子警舜訓鍊○電子世平子澳武科庶子澄武科○  
啓海子夏益武科○漑子敬升奉○九叙子永順子虞  
讓子允熙子演子敬頤奉庶子敬節武科○濬子敬復

員生○涵子敬鼎直○處誠子壽海子澍子世民奉○  
澱子宗得直宗詰習○濟子宗植武科○尹建子貴池  
子律運子益慎直○友良子坤直○得梁子玉龍奉  
○宗慶子昭簿主○善慶子昇生員○璞子文慶子晚  
坐別

十一代孫凡二百七十四人

仁孫子泄子尹宗子自元子安希子海僉渭奉○自  
貞子儉子大鶴子愼子時潤武科時澄武科○坤子希  
立監時立監思立監○友良子堪子可立兵○友  
益子垣子之翰武科○昭庶子處義武科○善慶子晞

子處端武科

十二代孫凡四百二十人錄八人

天頤子應河子湜子滿九武科○敬升子艇子以濟行孝

贈都事○處誠子壽海子濂子澤民子承後子汝夏武科

○宗喆子詡子斗瓚武科○濟子宗吉子禹亨子以赫

武科○禎子友朋子竣子中立子澄唐城君○友良子埶

子山立庶子照別提○泌子友哲子致敬子孟浩子壽

元監察

十三代孫凡五百七十九人

貴淵子徹生子漢子汶子汾浩子俊祥子慶得子炯

禹子仁範武科○敬男子貴賢子守英子起昌武科○

夢麒子警堯子濊子振海子潤桂別坐○敬鼎子船子

以範子樞生員宣生員構文正郎○瑋子重慶子暎子處寬

子有圭子瀆生員掌文令

十四代凡五百七十八人錄八人

海子明達子泰河子道貫武科○起昌子時源武科成源

武科○涵子敬履子舳子以載子樽子汝虛生員○尹建

子貴池子繼運子德善子益達子胤箕子夏正子致

龜武科○希立庶子烈子有成子萬翼武科○玉龍子澤

子景仁子士潤子受萬武科○善慶子冕子處漢子有



龜子濬子文杓進士

十五代孫凡六百人錄二十二人

構子汝哲子砥海進士○萬翼子處仁武科

十六代孫凡五百四十一人

十七代孫凡四百二十人

砥海子秉俊子龜燮文科龍燮進士

十八代孫凡三百人

十九代孫凡一百七十七人

二十代孫凡七十四人

二十一代孫凡二十二人

二十二代孫凡三人

陽坡先生實紀卷之一

陽坡先生實紀 後昆

十五

陽坡先生實紀卷之二

逸稿

公牧隱李公之師也大東文章以牧隱為首  
而其源實出於公則公之文章之盛有足想  
得而當時文集之刊行今既不可得見去世  
玄宵文獻散亾平生著述無一存者今取家  
乘所傳及東文選輿地勝覽所載七詩為逸  
稿真隋珠崑玉愈少愈貴不必多也

天壽寺追和崔斯立韻

出輿地勝覽。天壽在松京城東。

溪深柳密乳鴉飛滿路清陰信馬歸畢竟功名將底

用回頭五十二年非密勝覽

又

投壺圍坐箭輕飛清興時時醉欲歸來往共君成二  
老人生此樂未為非

慈孝寺次蓮樓詩韻出輿地勝覽

白藕花開翠苻長柳陰秋水滿陂塘莫言今日空歸  
去隨喜吾師一瓣香破勝覽

北山途中

千章古木兩山間滿壑風烟信馬還不是向來名利  
路世人那得此清閒得一作解

城南出東文選

水際碧蕪渾欲合牆頭紅杏未全開春風日日城南  
路信馬哦詩自往來

題御畫尹栗亭澤真出東文選

忠良一箇老書生眼高長與世異好邇來見我何無  
言風神颯爽鬚眉皓世間物我本非真亦知此身非  
所保焚香對御共傳燈未必桑門能達道凌烟將相  
功謾多未得君王親一掃

拱北樓應製出輿地勝覽○白文實撰應製詩

序略曰歲辛丑宮駕遷自福而尚  
駐清州壬寅九月十九日上率羣臣拜賀正表  
于郊因御州之拱北樓覽權漢功舊題命元松

壽李穡成士達次韻製進於是洪陽坡李杏村黃檜山暨諸大夫皆和進○五公詩附于下

鳳輦東還日金風木落初江山畱我住詩句借人書  
路直朝南遠樓高拱北虛老來常侍從壁上莫忘予  
絕景登樓處清晨應製初喜承今日寵慚繼古人  
書路豁南來直山遙北眺虛醴泉行樂好榮幸莫  
如予

元松壽

鑾輿清曉動文物太平初樓迴瞻天近詩成奉勅  
書山光生悅豫避中宗御諱用此字秋氣集冲虛他日南  
巡紀含香亦有子  
李穡  
歲籌將盡際天氣稍寒初扈輦登華構濡毫和舊

書秋深蓮萼謝風勁樹陰虛軒蓋榮光裏躊躇尚

媿子

成士達

古郡高樓迴誰知結構初秋深萬山樹景入數行  
書遠岫供西望青雲補北虛登臨參侍從光寵自

慚子

李岳

郡樓誰曰好駐駕也應初無限池中景何能壁上  
書登臨喜曠蕩俯仰實清虛多謝醴泉相畱詩使

起子

黃石奇

考實

公之德業功烈昭揭百代而其詳無以考惟

取國乘野史諸子文集之所出輯以撰次為  
考實

高麗史

河東府院君  
鄭麟趾撰

忠肅王十七年庚午十月辛酉忠惠王  
嗣服後賜宋天鳳等

及第及第第二人洪彥博馬第三人李達尊鞋帶

恭愍王元年壬辰閏三月辛卯十八遣三司右使洪

彥博密直副使李成瑞如元賀聖節

十月壬寅初三以洪彥博為判三司事○丙午初六

以洪彥博為贊成事

二年癸巳正月戊子以洪彥博為贊成事

前此公遞  
職柳濯代

之至是  
復拜

十一月壬辰遣南陽君洪彥博如元賀正

三年甲午七月辛巳以洪彥博為贊成事

十二月甲寅以李齊賢為右政丞洪彥博為左政丞

五年丙申五月丁酉十八大司徒奇輟太監權謙慶

陽府院君盧頊謀反伏誅親黨皆逃宮城戒嚴以洪

彥博為政丞尹桓為左政丞

七月丁亥初九復改官制以洪彥博為門下侍中尹

桓守門下侍中

十一月己卯洪彥博免流尹桓許伯柳濯

八年己亥六月丁亥定誅奇轍功臣下教曰奇轍權  
謙連姻帝室依勢作威不畏紀綱奪占田民恣行非  
義頃年以來天下始亂自顧其身積惡斂怨度其一  
朝勢去難保預為深計以固藩籬以其親戚腹心桀  
驁之輩布列權要陰樹黨援圖為不軌私造兵仗外  
方軍人亦閱弓矢詐為詔使氣扇訛言眩惑人心密  
諭會期約以同舉宗社安危只在須臾南陽侯洪彥  
博奮不顧身殄殲賊徒再安社稷功大難忘其以南  
陽侯洪彥博參政商議慶千與參政安祐知門下省  
事鄭世雲判樞密院事黃裳知樞密院事柳淑上將

軍睦仁吉將軍李蒙古大為一等簽書樞密院事金  
得培樞密院副使金元鳳工部尚書金琳判司天監  
事陳永緒判太僕寺事金濟上將軍金元命李云牧  
前太府卿文璟將軍朱永世內侍監方節及赤帖木  
兒中郎將張必禮為二等爵其父母妻蔭及子孫賜  
田民有差姜仲卿身雖已死功大難忘并賜錄券爵  
其父母蔭及子孫

十年辛丑十月丁酉紅賊偽平章潘誠沙劉關先生

朱元帥等十餘萬眾渡鴨綠江寇朔州元政陵夷自甲午歲河南

起兵以紅山中童韓咬兒等始誘亂穎川妖人劉後通又

冠掠中原分據山東其勢  
大振至己亥冬始寇我邊

十一月庚戌廉悌臣罷以洪彥博為門下侍中○乙  
丑賊鋒至興義驛丙寅王及公主奉太后南狩渡臨  
津次堯率院從者惟侍中洪彥博李岳平章事金鏞  
慶千興柳濯僕射金逸逢參政鄭世雲判樞密院事  
李春富簽書金希祖知樞密院事柳淑孫登知奏事  
元松壽承宣金續命洪彥猷李禧金達祥兵部尚書  
睦仁吉上將軍金元命前吏部尚書洪師範前刑部  
尚書柳淵諫議金漢龍將軍李琳張伯顏員外金君  
鼎刑部侍郎郭忠秀正言朴思慎御史朴大陽侍御

史田祿生而已王駐駕江岸顧瞻山河謂松壽禧曰  
如此風景卿等政宜聯句○丁卯駕發公主去輦而  
馬次迎曙驛己巳次慶安驛辛未次利川縣御衣濕  
凍燎薪自溫壬申次陰竹縣吏民皆逃匿乙亥次忠  
州十二月壬辰至福州

十一年壬寅正月王在福州○甲午叶十七摠兵官鄭  
世雲督諸將進圍京城乙丑諸將四面進攻斬賊魁  
沙劉關先生等十餘萬級餘黨遁走渡鴨江而去賊  
遂平○二月辛丑王發福州癸卯駐尚州八月乙酉  
發尚州丁亥幸俗離寺戊子次元巖驛庚寅次報令

縣辛卯次懷仁壬辰至清州

十二年癸卯正月王在清州○二月乙亥駕發清州  
次鎮州丙子次竹州辛巳次峯城縣留都宰樞奉迎  
于臨津癸未次興王寺癸巳以贊成事金鏞提調巡  
軍○閏三月辛未朔夜五鼓金鏞密遣其黨五十餘  
人犯行宮宿衛皆奔竄殺宦者安都赤及僉議評理  
王梓判典校寺事金漢龍又殺右政丞洪彥博于其  
第密直使崔瑩副使禹碑知都僉議安遇慶上護軍  
金長壽等自京城帥兵詣行宮擊賊平之長壽死之  
亂定王入御康得龍家令百官宿衛徵巡○命李仁

復丁贊禹碑洪善福鞠賊于巡軍○乙酉祿興王討  
賊功以三司右使李成瑞知都僉議安遇慶密直使  
崔瑩密直副使禹碑韓暉開城尹梁伯益典理判書  
吳仁澤版圖判書金漢真文睿府司尹金潛右副代  
言柳繼祖上護軍楊伯淵金庾判小府寺事金之瑞  
判典醫寺事李春英司宰令李芬護軍李龍吉為一  
等功臣版圖判書崔龍兩典工判書李陽大護軍權  
禧李得霖典客令全甫版圖摠郎文天起朴龍吉親  
從護軍李松三司副使孔貼木兒通禮門副使趙臣  
佐護軍崔潭中郎將金安壽為二等功臣又錄辛丑



扈從功以平右政丞洪彥博贈政丞鄭世雲鐵城府  
院君李岳判三司事金逸逢唐城府院君洪元哲贊  
成事商議慶千興黃裳瑞寧君柳淑奉化府院君鄭  
松壽漢陽府院君朴有文泗城君睦仁吉密直副使  
許猷版圖判書金漢真肅雍府左司尹宋仁績前安  
東都護府事洪彥猷判典校寺事成士達文睿府右  
司尹張得安判司僕寺事車安道知申事元松壽右  
代言李穡左代言金達祥前鷹揚軍上護軍洪師禹  
前判司僕寺事朴元澤檢校評理金桂前上護軍許  
瑞判司僕寺事李良判典醫寺事李春英前判小府

寺事黃大都檢校評理李難守李天暉徐俊玄之妙  
金生麗鄭之信金勇麗李絢監察執義李成林前大  
護軍馬天麟李華宗簿令金廣前衛尉尹兪伯前典  
客令楊贊司僕正尹松典醫副令金君鼎通禮門副  
使趙臣佐前典客副令南大剛前軍器監金元世護  
軍李邦英玄臣祐前護軍金天佐金良壽朴英祐李  
乙卿禹連金仁兩李光祐典農副正孫廉司僕副正  
孫元劉信檢校上護軍朴資申之善張成吉崔伯顏  
故親從護軍金承德中郎將金龍崔公朴石連宦者  
延城府院君金玄寧原府院君申小鳳晉原府院君

金壽萬上護軍李剛達判內府寺事尹忠佐大護軍  
尹祥爲一等功臣密直副使柳淵前開城尹洪師範  
朴元鏡監察大夫金續命前判圖判書金元命肅雍  
府右司尹金忠信前判衛尉寺事張天志判典客寺  
事張伯顏前上護軍慶補檢校評理洪深宋璟故典  
校寺事金漢龍故軍器監金敦民前司議朴大陽前  
大護軍金阿赤朴普安大護軍羅光滿金立堅三司  
右尹金光乙軍器監金光乙前司宰令金暉典理摠  
郎田祿生典法摠郎權鑄禮儀摠郎柳實親從護軍  
金世德三司副使朴璘前護軍趙君玉前水原府使

金興祖前典農副正鄭世文前護軍金斯革康福龍  
奉仁輔護軍裴吉李逢雨薛松典醫副正禹顯軍簿  
正郎朴思慎考工正郎洪師瑗檢校上護軍宋忠金  
貴萬朴守英金古都不花中郎將金天老吳守李存  
敬趙成朴伯顏李石丑斯林祐羅元郎將李遷張龍  
劉德爲二等功臣一等圖形壁上父母妻超三等封  
爵官其子一人七品若無子則甥侄女婿一人拜八  
品驅史五人眞拜把領七人許初入仕子孫蔭職叙  
用賜田一百結奴婢一十口二等父母妻超三等封  
爵官其子一人七品若無子則甥侄女婿一人拜八

品驅史三人真拜把領五人許初入仕子孫蔭職叙用賜田五十結奴婢五口○癸巳流金鏞于密城郡

右出世家

恭愍王二年五月金海君李齊賢知貢舉贊成事洪彥博同知貢舉取進士賜乙科李穡等三人丙科七人同進士二十三人明經二人及第徵隱集四月  
十一年洪彥博柳淑掌試復用詩賦  
十月右侍中洪彥博知貢舉知都僉議柳淑同知貢舉取進士賜朴實等三十三人及第

右出志

尹澤忠肅十年加政堂文學致仕言曰近來饑饉荐至加以師旅民病極矣前既構南京之闕今又營白岳之官民何以堪云云侍中洪彥博歎曰不謂尹公

驚直如此吾所不及也出尹澤傳

洪彬恭愍卽位封唐城府院君與洪彥博李公遂提調政房出洪彬傳

紅巾之亂王南幸李齊賢謁于尚州賊退又與洪彥博言曰古人稱壯哉山河魏國之寶也初若設險守隘制勝可必恨不早圖出李齊賢傳

紅賊入寇慶復興為副元帥率兵千餘屯安州畏賊

不敢戰王怒欲論以軍法洪彥博言復與公廉謹篤  
然不閒將略是用者過也王怒解出慶復

金鏞素與鄭世雲爭寵又恐安祐金得培李芳實等  
成大功為王所重欲使祐等殺世雲因以為罪而盡  
殺之事見乃矯旨為書密諭祐等令圖世雲祐芳實  
曰可從得培曰不可祐等強之置酒邀世雲目壯士  
擊殺之王令諸將赴行在祐詣行宮上謁鏞引至中  
門槌擊殺之鏞與洪彥博柳濯廉悌臣李岳尹桓黃  
裳李春富金希祖稟旨揭榜云祐等不忠擅殺世雲  
祐已伏辜有能捕得培芳實者超三級祿用分遣大

將軍吳仁澤御史中丞鄭之祥朴春

避度宗御金

庾等捕斬之出安祐傳

鄭世雲為安祐等所害洪彥博聞其死曰摠兵之出  
師也言貌甚傲其及宜矣出鄭世雲傳

金鏞安城人性陰譎有機檻多詐忌克恭愍以元子  
入元鏞侍從有勞遷大護軍及即位授鷹揚軍上護  
軍奏為行省員外郎元丞相脫脫遣使戒王勿用檢  
人金鏞鏞方寵幸得不罷錄侍從功為一等賜奮義  
功臣號趙日新作亂犯行宮多殺宿衛鏞直宿不捍  
禦物議紛紜王亦疑之杖流海島元將討張士誠遣

使募名將王封鏞安城君遣之明年東還拜知都僉  
議司事鏞鄭世雲洪義與贊成事金普爭權幸普丁  
母憂密諭行省都事崔介上書請令百官行三年喪  
鏞等矯旨下其書都評議司逼令施行王悉知其狀  
流鏞于濟州遂罷三年喪召拜僉議評理尋改中書  
門下侍郎平章事鏞素與世雲爭罷及世雲與安祐  
金得培李芳實平紅賊鏞矯旨密令祐等殺世雲因  
以為罪而殺祐等改贊成事賊金守曹連等五十餘  
人夜至行宮與王寺斬門者直入相呼為宰臣稱帝  
旨殺侍衛金漢龍及僉議評理王梓文睿府左司尹

金台權宦者姜元吉衛士七八人徑至寢殿宦者李  
剛達負王匿太后密室賊入寢殿宦者安都赤貌類  
王代王卧於寢內賊認為王殺之踴躍呼萬歲既而  
知王尚在佯言於衆曰慎勿驚動乘輿以其黨四十  
餘人監宮內諸務促饌夫進饌欲王不疑而出也賊  
分遣其黨入城殺雷都宰相會諸相以祝釐在妙蓮  
寺聞變將如巡軍集兵討賊賊先騎已至妙蓮洞口  
政丞柳濯等駭馬由間道至巡軍鏞獨不赴妙蓮先  
至巡軍集衆陽言討賊謂諸相曰諸公領此兵先詣  
行在予亦收散卒繼進濯揣鏞有異志雷以觀變鏞

與其門客巡軍提控華之元相目凡賊被執來者不  
訊輒殺以滅口亂定以討賊為鏞功策為一等時廉  
悌臣新拜政丞宰樞往賀鏞酒酣謂悌臣曰三患去  
矣不樂何為人莫知所指或謂洪彥博死是謂一患  
去賊黨盡殲二患去自是百姓無憂三患去或云彥  
博世雲三元帥安祐金得培李芳實也彥博以勲戚為首相鏞  
雖執權不得自逞故云然興王賊黨逮捕者九十餘  
人鏞一不鞫訊人皆疑之王召鏞曰欲下汝巡軍按  
問情狀但念前功姑從末減即流密城郡令巡軍提  
控表德麟狎行竄其黨之元及大護軍高權等數人

于外自是月初日月無光無雲而陰及鏞之去天氣  
清朗尋遣大護軍林堅味護軍金斗移繫雞林府與  
按廉李寶林鞫之鏞曰予以八年三宰無欲不遂豈  
有犯上之心乎但欲去洪侍中耳堅味等詰云何以  
殺安都赤乎鏞無以對遂支解徇于諸道傳首京師  
梟于市籍其家渚之斬其黨十餘人杖流者亦數十

人鏞傳

奇轍蒙古名伯顏不花幸州人父子瑛補散郎季女  
選入元順帝後宮封第二皇后生皇太子帝贈子瑛  
榮安王表子瑛妻李氏門曰貞節轍倚后勢縱恣王

與公主屢幸李氏第王表于元請李兒札帝遣戀戀  
太子定安平章等賜李兒札宴王與公主幸延慶宮  
行宴置李氏府曰慶昌元遣人授輅遼陽省平章改  
授大司徒時權謙盧頊俱納女于元有寵輅與謙等  
聲勢相倚知天下亂自念積惡恐一朝勢去難保預  
謀自安以親戚腹心布列權要陰樹黨援將圖大逆  
閱諸道兵器詐為詔使扇動訛言密諭期會約以舉  
事王先知之托以曲宴令宰樞皆會宮庭遣判密直  
洪義宰臣裴天慶等召輅頊謙及輅子贊成事有傑  
侄完者不花謙子萬戶恆舍人和尚頊子行省郎中

濟等輅謙先赴密直慶子與黃石奇判事申青等密  
白王曰二人已至其餘子侄及盧頊父子未至若事  
泄變起不虞不如早圖王然之即令密直姜仲卿大  
護軍睦仁吉弓達赤李蒙古大等伏壯士出其不意  
椎擊輅應手而仆謙走避追及于紫門殺之血濺宮  
門遂殺輅從者二人尸于朱橋義為兵所害奇權麾  
下狼狽四散禁衛四番軍士一時俱發劍稍交於路  
仲卿等率兵至頊家捕殺之有傑偕天慶詣闕道聞  
變走匿完者不花濟恆和尚等及支黨皆逃竄命中  
外搜捕沒入三家奴婢于義成德泉有備諸倉王教

曰我太祖創業垂統設官立法上下相保式至于今  
我忠憲王歸款元朝世祖許其不改舊俗以存恤之  
我國亦恪修職貢未嘗少違臣節今有奇輟盧頊權  
謙等不念元朝存恤之意先王創垂之法席勢以凌  
君肆威以毒民罔有紀極予以連姻帝室於其所言  
一皆勉從猶為不足潛圖不軌欲危社稷幸賴天地  
祖宗之靈輟等俱已伏辜兇黨之在逃者奇有傑完  
者不花盧濟權恆和尚等罪在不原韓可貴具貞等  
不從國令故縱反者是用俱置典刑有能捕告反者  
以本人家貲量功充賞餘人所犯一切除之輟等奪

占人口土田都僉議司立都監許人申告各還本主  
尋捕有傑完者不花濟和尚斬之恆獨以素不挾勢  
免死流濟州流其黨金普等出奇輟傳○奇盧權三  
人專有關於公策勳始

末故并錄之

盧頊交河人娶平陽公眩女故驟貴拜左政丞封慶  
陽府院君恭愍朝以女納于元帝拜集賢學士後與  
奇權謀逆伏誅子濟稹濟出盧匿後詣闕自訴無罪下  
巡軍斬于市稹流于外出盧  
權謙政丞溥之子從忠肅如元侍從勞錄功為二等  
陞同知密直恭愍初以福安府院君如元納女于皇



太子得拜太府監太監後與奇盧謀亂伏誅出權謙傳  
尹紹宗上疏曰丙申己亥辛丑癸卯之難廟堂帷幄  
則有洪彥博諸公干城折衝則有李承慶安祐李芳  
實金得培崔瑩諸將相功名卓卓在百姓耳目出傳

右出列傳

東國通鑑達城君徐居正等撰

恭愍王三年甲午十二月李齊賢為右政丞洪彥博  
為左政丞

五年丙申五月奇轍權謙盧頊等謀反伏誅時謙頊

俱納女于元有寵轍與謙等聲勢相依知天下亂自  
念積惡斂怨恐一朝勢去難保預謀自安以親戚腹  
心布列權要陰樹黨援將圖大逆閱諸道兵器詐為  
詔使扇動訛言密諭期會約以舉事王先知之托以  
曲宴召宰樞皆會于闕命判密直洪義等召轍頊謙  
及轍子贊成事有傑侄少監完者不花謙子萬戶恒  
舍人和尚頊子行省郎中渚等轍謙先赴召密直慶  
千興黃石奇判事申青等密白王曰二人已至其餘  
子侄及頊父子未至若事泄變起不虞不如早圖王  
然之即令密直姜仲卿大護軍睦仁吉弓達赤李蒙

古大等伏壯士出不意椎擊轍應手而仆謙走避追殺于紫門血濺宮門遂殺轍謙從二人奇權麾下狼狽四散禁衛四番軍士一時俱發兵刃盈路仲卿等率兵至頤家捕殺之以洪彥博為右政丞尹桓為左政丞元顥判三司事韓可貴為三司右使顥有傑之妻父也欲代彥博執權柄嘗譖彥博有異志至是又譖可貴及沔城君具榮儉不為追捕奇權盧支黨於是下三人獄辯對王素惡顥使李蒙古大殺于獄中秋七月復舊官制以洪彥博為門下侍中尹桓守門下侍中

十一月洪彥博免流尹桓許伯柳濯以李齊賢為門下侍中

八年己亥十二月賊入鐵州副元帥慶千與領兵千餘進屯安州畏賊不進王怒欲論以軍法洪彥博言曰千與公廉謹篤然不閒將略是用之者過也王怒解

十年辛丑春正月政堂文學尹澤言曰云云見高侍

中洪彥博歎曰不謂尹公贛直如此吾所不及也冬十月紅頭賊偽平章潘誠沙劉關先生朱元帥等十餘萬衆渡鴨綠江寇朔州襲安州○王及公主奉

太后南幸先是王遣前密直提學鄭思道金斗守崑  
嶺柵至是賊伏兵萬餘於柵傍雞鳴以鐵騎五千攻  
破柵門我軍大潰安祐金得培等單騎奔還祐行收  
兵與摠兵官金鏞等屯金郊驛鏞遣左散騎常侍崔  
瑩請京兵王知事急遂謀避亂使京城婦女老弱并  
先出城人心洶洶是日賊先鋒至與義驛丙寅王及  
公主奉太后將南幸黎明鏞祐芳實等馳至咸謂京  
城不可不守宰臣相顧默然平明駕幸旻天寺遣近  
臣分往通衢大呼招集義兵都人皆潰應者纔數人  
祐等無如之何王出崇仁門遂渡臨津。辛未雨雪

次利川縣。壬申次陰竹縣。十二月壬辰王至福  
州

十一年壬寅春正月王在福州。摠兵官鄭世雲都  
元帥安祐元帥金得培李芳實等大破紅賊復京城  
餘黨奔渡鴨綠江而走賊遂平。金鏞矯旨令安祐  
殺摠兵官中書平章事鄭世雲洪彥博聞其死曰摠  
兵之出師也言貌甚傲其及宜矣。將軍睦忠至自  
軍前言諸將殺鄭世雲秘不發王乃召門下侍中洪  
彥博平章金鏞慶千興贊成事柳濯樞密院使柳淑  
議遣直門下金瑱頒宥旨于諸將仍令督赴行在以

安其心○二月王自福州幸尚州○八月乙酉王發尚州壬辰至清州○判密直司事宋卿罷卿言於洪彥博曰蒼生望公復相久矣今為冢宰何無一事協輿望乎辛丑之倉卒播遷宗社陷賊主上蒙塵取笑天下者公之不早圖也今公子握府兵壻長憲司富貴已極何不憂國家彥博憚之罷卿時彥博壻柳淵為監察大夫故卿云然行宮所需金銀乏少王之用度無節彥博曰內帑之儲何如在都時經費宜加裁省王熟視不應彥博退曰言不見從是何詭詭也○九月王欲遷都江華遣評理李仁復詣開泰寺太祖

真卜之太妃面責洪彥博曰爾以外戚位冢宰中外之望悉屬于爾今王欲遷都而國人皆不欲爾盍諫止之彥博以告於王王曰予欲知其吉凶卜果不吉國人大悅

十二年癸卯春正月王在清州○二月乙亥發清州○癸未次興王寺百官賀還都留都宰樞上壽王曰不圖今日得還京城此皆卿等之功也○閏三月金鏞反遣其黨犯行宮宦者安都赤右政丞洪彥博死之夜五鼓賊金守曹連等五十餘人突至行宮與王寺斬守門者直入曰我奉帝旨來徑至寢殿戶外殺

宦者姜元吉宿衛皆奔竄宦者李剛達負王從牖出走詣大妃密室蒙毯而匿公主坐當其戶盜入王寢殿有宦者安都赤貌頰王欲以身代王遂卧於寢內賊認爲王而殺之踴躍呼萬歲殺侍衛僉議評理王梓判典校寺事金漢龍等又至右政丞洪彥博所舍曰出迎帝命彥博整衣冠將出子及妻覺其詐勸避之彥博曰安有爲首相而逃死者乎出見曰爾乃賊也何稱帝旨賊遂擊殺之既而賊審知王尚在陽言於衆曰慎勿驚動乘輿分其黨四十餘人監宮內諸務促饌者具饌以進欲使王不疑而出也又分其黨

起京城殺雷都宰相會左政丞柳濯與諸宰相以朔例祝釐方在妙蓮寺聞變將如巡軍萬戶府集兵討賊賊先騎已至妙蓮洞口濯等駭馬由間道至巡軍金鏞獨不赴妙蓮先至巡軍集衆陽言討賊謂諸宰相曰諸公領此兵可先詣行在余亦收散卒繼進濯揣鏞有異志雷以觀變鏞與門客巡軍提控華之元相目凡賊被執來者不訊輒殺以滅口密直使崔瑩副使禹碑知都僉議安適慶上護軍金長壽等自京城率兵馳詣行宮將入門諸將云當審視賊所在乃入長壽勵聲曰賊徒在內何謂審視毀門先入斬賊

三人瑩等遂進擊盡殺之長壽中劔死之亂定宿衛復集王出自密室即日入京命百官宿衛巡綽定興王功臣賜土田臧獲有差金鏞亦與焉鏞至廉悌臣家飲酒與悌臣言曰三患去矣不樂何為人莫知其意或云彥博世雲三元帥也彥博以勲戚為首相鏞雖執權不得自逞故云然○定辛丑扈從功臣○流金鏞于密城興王賊黨逮捕者九十餘人鏞為提調一不鞫訊人皆疑之王召鏞曰宜下巡軍按問情狀但念前功姑從末減即命流之又竄其黨大護軍高權典理正郎華之元等數人于外自是月初日月無

光無雲而陰及鏞之去天氣清朗○金鏞伏誅先是遣大護軍林堅味護軍金斗移囚鏞于雞林府與按廉李寶林鞫之鏞云予以八年三宰無欲不遂豈有犯上之心乎但欲去洪侍中耳堅味等詰云何以殺安都赤鏞無以對遂輟之傳首京師籍其家斬其黨十餘人其餘杖流者亦數十人

麗史提綱

文忠公  
俞榮撰

恭愍王元年夏四月密直提學尹澤致仕

澤自以先朝顧托雖致仕知無不言言或切直王亦優容洪彥博嘗歎其戇直自以為不能及

冬十月以洪彥博金承澤為贊成事

彥博奎之孫承澤方慶之孫也

三年秋七月以洪彥博尹桓金敬直并為僉議贊成事

冬十二月以李齊賢洪彥博為僉議政丞

五年夏五月奇轍權謙盧頊等謀反伏誅

以洪彥博尹桓為僉議政丞

秋七月復官制以洪彥博尹桓為門下侍中

冬十一月以李齊賢廉悌臣為門下侍中

侍中尹桓侍郎柳濯等以事坐流洪彥博亦免

八年夏六月賜南陽侯洪彥博等功臣號

以平諸奇也柳淑謂諸功臣曰此功券即罪案也

願諸公相勉同心以奉王室無復私黨

十年冬十一月廉悌臣罷以洪彥博為門下侍中

賊襲破岳嶺柵諸軍大潰王南狩

從臣惟洪彥博李岳鄭世雲金鏞等數十人隨之

十二年春閏三月金鏞遣兵犯行在上將軍金長壽

宦者安都赤死之賊殺右政丞洪彥博等

金鏞陰懷不軌之心將作亂辛未夜鏞遣其黨金

守曹連等五十餘人犯興王寺行宮又分遣其黨

殺雷都宰臣時右政丞洪彥博在京師聞亂將赴  
行在俄而賊黨至門稱帝旨令彥博出迎妻子勸  
避之彥博曰安有首相而逃死者乎徐整衣冠出  
戶曰爾乃賊也何稱帝旨賊斫殺之時彥博以勲  
戚為上相鏞雖秉權不得自逞故先殺之彥博有  
重望既死時人惜之後諡文正  
流金鏞于密城郡

興王之變國言藉藉皆歸之於金鏞王召鏞曰欲  
下汝巡軍按問情狀但念前功姑從末減遂流密  
城郡流其黨華之元等數人方賊黨之既平也鏞

揚言於衆曰三患既去何為不樂人莫揣其意或  
曰三患卽世雲三元帥及彥博也

夏四月金鏞伏誅

金鏞既流羣情之憤未已王遣護軍林堅味移繫  
鏞於雞林府與按廉李寶林鞠之鏞曰余以八年  
三宰無欲不遂豈有犯上之心乎但欲去洪侍中  
耳堅味等詰云何以殺安都赤乎鏞無以對遂支  
解鏞徇于諸道傳首京師梟于市籍其家豬其宅  
斬其黨十餘人杖流者數十人

東史會綱

陽坡先生實紀

考實

二十三



恭愍王元年冬十月以洪彥博金承澤并贊成事  
三年秋七月以洪彥博尹桓金敬直并贊成事  
五年夏五月奇氏謀反伏誅○以洪彥博尹桓為政  
丞

秋七月復舊管制以洪彥博尹桓為侍中

冬十一月洪彥博免

十年冬十一月廉悌臣罷以洪彥博為侍中

賊襲破呂嶺柵諸軍大潰王南奔

從臣惟洪彥博李品鄭世雲金鏞等數十人隨之  
十二年春閏三月金鏞作亂襲行在宦者安都赤死

之賊遂殺右政丞洪彥博

鏞陰懷不軌之心將作亂辛未夜遣其黨金守曹  
連等五十餘人犯興寺行宮又分遣其黨殺雷都  
宰臣時右政丞洪彥博在京師聞亂將赴行在俄  
而賊黨至門稱帝旨令彥博出迎妻子勸避之彥  
博曰安有首相而逃死者乎徐整衣冠出戶賊斫  
殺之彥博以勲戚為上相鏞雖秉權不得自逞故  
先殺之彥博有重望既死時人惜之後諡文正

東史綱目

參議安鼎福撰

恭愍王元年壬辰冬十月以洪彥博金承澤為贊成

事

三年甲午冬十二月以李齊賢洪彥博為左右政丞  
五年丙申夏五月奇輟權謙盧頊等謀反伏誅○以  
洪彥博尹桓為左右政丞

秋七月復舊官制以洪彥博為門下侍中尹桓守侍  
中

八年己亥夏六月論誅諸奇功賜洪彥博等功臣號  
錄洪彥博慶千興安祐鄭世雲柳淑金得培等十  
九人安社功臣號賜鐵券

冬十二月安祐敗賊兵于清江

慶千興率兵千餘屯安州畏賊不敢戰王怒欲論  
以軍法洪彥博言千興公廉謹篤然不聞將略是  
用者過也王怒稍解

十年辛丑春正月加致仕尹澤政堂文學

澤語王曰云云觀傳王色怒俄執卮賜之酒侍中  
洪彥博出歎曰不知尹公戇直至此吾輩不及也  
冬十一月廉悌臣罷以洪彥博為侍中○賊襲安州  
官軍敗王南奔

時王知事急遂謀避亂侍中洪彥博以為先王基  
緒不可墮也勸王自將與民效死知樞密柳淑曰

國所恃者城池與糧餉也今城未完倉無儲將何以守王遂浚策南幸先出婦女老弱人心洶洶是日賊先鋒至興義驛丙寅王及公主奉太后將南行遂出崇仁門公主亦乘馬次妃李氏所騎馬羸弱見者下淚於是從臣惟洪彥博李岳金鏞慶千興柳濯鄭世雲等二十八人都人老幼顛仆子母相棄躡藉滿野哭聲動天地

十一年壬寅春正月金鏞矯旨令安祐等殺摠兵官平章事鄭世雲

洪彥博聞世雲死曰摠兵之出師也言貌甚傲其

及宜矣

秋九月置祿轉色

自播遷以來祿轉出納不任倉官別立一所謂之祿轉色又以調度不給增斂民戶米豆有差名曰無端米民甚苦之行宮所需金銀乏少王之用度無節洪彥博白曰內帑之儲何如在都時經費宜加裁省王熟視不應

十二年癸卯春二月王還京遂幸興王寺

先是王浚意遷都國人皆不欲兩府耆老皆請還駕以慰民望乙亥駕發清州壬午還京癸未遂幸

興王寺宰樞上壽王曰不圖今日得還京城此皆卿等之功也

閏三月金鏞作亂襲行宮上將軍金長壽宦者安都赤死之賊遂殺右政丞洪彥博

鏞初以權倖得寵既殺鄭世雲二三帥鬻權專恣無所畏忌且與德興為內應辛未朔夜五鼓密遣其黨金守曹連等五十餘人犯興王寺行宮分遣其黨殺留都宰相時右政丞洪彥博在京師聞難將赴俄而賊至稱帝旨令彥博出迎妻子勸避彥博不肯曰安有為首相而逃死者乎徐整衣冠出

戶叱之曰爾乃賊也何稱帝旨賊斫之血濺屋椽後諡文正權氏近曰公性剛明確持正論力排異端以天姿之美輔以學問所見既高所守益力嘗自言曰日來曾中如有主宰是其得力處也故能於倉卒之際從容就義得正而斃真所謂臨大節而不可奪者也

錄諸功臣

錄辛丑扈從功洪彥博鄭世雲百二十餘人

東文選

徐居正等所輯

獻洪侍中彥博

曹係芳南

陽坡先生實紀

考實

二十七

陽坡居士愛清閒役役紅塵是強顏何日閉門麾俗  
客焚香相對說溪山

伏覩洪南陽侯彥博次曹南堂詩韻

元松壽

少日心期未老閒官途容易損朱顏君恩報了方歸  
去吾眼無由對碧山

錦南雜題序節略李驟撰○鄭三峯道傳撰  
湖南輯所著詩文為錦南

雜題

三峯鄭先生余同年友也越至正壬寅冬吾洪文正  
公主棘園試選士精先生中之

輿地勝覽徐居正  
等所撰

南陽人物高麗洪彥博恭愍王時入官至僉議政丞  
南陽侯諡文正與王之變家

人曰宜速避彥博曰安有為首相  
而逃死者乎整衣冠而出遂遇害

稼亭集文孝公  
李穀撰

寄洪陽坡

提舉先生義最高不將門戶闢奢豪料應移病年來  
數詩酒從來懶笏袍

寄洪陽坡用前韻

提舉先生義更高新詩往往帶雄豪也應對酒團圓  
語笑殺朝天雪滿袍

次洪陽坡提舉賞芍藥韻二首

曾見東君卷旆迴却畱妖艷滿園開  
宦途誰是看花伴縱使招呼不肯來  
尋花痛飲戴花迴為是今年不再開  
料得殘紅應滿地豈容俗子叩門來

送洪陽坡提舉赴征東儒學二首

偶到京華却久畱挑燈夜夜說歸休  
青山不必將錢買只恐紅塵白了頭  
曾謂孤高出輩流年來且與說沉浮  
不知林下誰先去君政求官我欲休

重送洪陽坡

客路逢寒食離亭對夕暉宦遊人易老  
心計事多違四海知音少三韓信使稀  
青山有舊約羨子得先歸

益齋集

文忠公李齊賢撰

洪文正每夕沐浴具冠帶以拜天星  
雖朝聘行役緩急之際未嘗廢也

雲谷集

直提學鄭誦撰

戲洪陽坡仲容

又出東文選

天地於人豈有私有生必死固其宜  
神仙安有長生術却笑畱侯老更癡

丁酉夏上賜安社功臣錄券仍降宣醞諸功  
臣會洪相彥博宅設筵座上呈諸功臣相國  
兩餘庭院樹陰涼宣醞盈盈白玉觴再拜功臣諸將  
相顧同終始郭汾陽

公與洪陽坡彥博李稼亭穀金密直科李霽亭達中  
李摠郎達尊結社日以焚香讀書為事人號之曰焚  
香會

牧隱集

文靖公  
李穡撰

奉和座主陽坡先生北山途中作三首

萬仞危峯杳靄間洞中風露鬢毛寒一丘一壑平生

趣坐對青山興未闌

四面青山屋數間松聲更雜水聲寒老僧不識何心  
者高卧林泉歲月闌

喜怒紛然用舍間賢愚役役費炎寒高人處世忘情  
久軒冕山林一夢闌

長歌節略

邊烽日夜照雙闕賊騎長驅侵鎬京千村萬落烟火  
空悲風蕭蕭鳥獸鳴羽書如雨下郡國胥吏秣額持  
短兵官旗蔽日棘城高我士我馬何錚錚昔收平壤  
城今斫成從營無由飛出鼎中魚不忍盡殲緣好生

南陽高議萬句

避諱去金邊

宣相衙鼎鐵城奇策千丈坑

唐城引

唐城岸海如華蓋浦淑環之分內外英靈所聚產人物直幹雄材皆絕代德山村主生江南遼東白帽初往參猶嫌鶴野近羊犬欲訪海外仙山三舟浮鯨浪得異境雙目不動停飛颿下岸卜年又卜世日佐東方千萬禩新羅以來至我國禮樂詩書出君子壽齋公宦旋獨步江都未掃去妖氛開紫闥紀綱復振朝委裘鼠輩無復更挑撻克生太妃配王室聖子神孫至今日於戲德山非常人天作之合襲于吉青松浮雲

翠如濕我曾立馬遙相揖陽坡先生安在哉高風千載無人及却超反鑑似無孫門下有人空血泣

三月初一日陽坡先生忌朝念之闕助祭因

誌其過

連日紛紛被事牽病餘心地轉冥然恩門忌朝猶念却甚矣吾衰又倍前街柳嫩黃初得兩嶺松疊翠欲浮天陽坡寂寞唯蒼蘚空使行人淚迸泉

拜掃恩門南陽侍中墳墓

子虛班首七英賢我獨三人更在前跪奠椒漿多感激退歸蓮宇共遷延日光松影朝相雜雨氣風聲晚



又連只恐天生超反鑑尚蘄陰隲掃狼烟

宗伯洪尚書見訪似是陽坡子侄或孫

德山村主起家門崇極還生反鑑孫安社功臣當有

後臺評自古是公言本註壽齋陽坡皆為安社功臣

至正癸巳四月益齋先生陽坡先生典貢舉  
無燕會僕與同年成行罷則休于家甚蕭索  
也歲乙未南村李政丞星洞安政堂典貢舉  
時李公之姑奇后母也因獻壽觴故兩學士  
皆設燕然比舊減十之七八丁酉科李樵隱  
金思亭典貢舉李略設金亦如之但日數多

耳庚子科金四字韓商議典貢舉粗有前規  
壬寅歲駕在清州洪陽坡柳商議典貢舉如  
癸巳歲乙巳李樵隱再知貢舉稽副之歲已  
酉又如之歲辛亥稽知貢舉田政堂副之歲  
甲寅李評理廉政堂典貢舉皆不設燕今上  
卽位言者歸咎陽坡復設燕享今數科矣糜  
費不為少言者又非之請如己酉科既而又  
以今庚申年主司皆有親在堂當獻壽於是  
吟成一篇拜呈題與詩并節略

我登第時不開筵剛斷皆服陽坡賢乙未之席因榮

安星洞夜闌聞管絃丁酉思亭如夢中爾後寂寂繁  
華空庚子主司兩將軍豨豨門戶屯如雲我在新京  
不見招瑞谷寂寂明斜曛壬寅清州望諸陵嘗膽政  
苦心兢兢

玄福君墓誌節略又出東

獲乎朋友其大欲也公所事而友之者如益齋李侍  
中淮安莊順公南陽洪侍中安常軒安謹齋洪唐城  
金彥陽閔及菴崔拙翁李評理權襄僕射天慶皆一  
時豪傑文章政事馳騁射御人至今宗之公游其間  
習慣如自然

松堂金光載墓誌節略

公琴祥侍中洪陽坡先生與一時名卿往勞苦之

文僖公柳淑墓誌節略

壬寅秋駕移于清同知貢舉取朴實等三十三人時  
稱得士○癸卯駕還京以興王寺為行宮賊用夜半  
潛入內殺直宿官上避於密室聞賊相語曰何故來  
遲賊曰殺洪某柳某故遲來

三峯集奉化伯鄭道傳撰

贈典校金副令詩序節略

吾友金君義卿讀書為儒待時而動歲在癸巳益齋

李文忠陽坡洪文正以舊德重望專宗匠之席柄擇士之權士之蓄奇謀抱長識深藏而不售者莫不謳吟思效踴躍自奮曰此其時矣相與駢肩累足雜進權衡之下以爭輕重而義卿與今韓山牧隱先生談笑而起

洪氏舊譜序節略不傳

淡菴白文寶於文正公碑銘記之曰公十三世祖殷悅有功於三韓自是以來世胄光大皆登輔相又曰以及匡定公功德冠世家政益修莊簡淳謹克承維持

洪氏甲辰譜序節略文忠公柳成龍撰

竊惟南陽之洪源出於中華而蔓延於東土代有名世者出磊落相望可謂盛德之胤而百世之宗也然其經綸之業忠義之節莫盛於文正公

八代孫璋墓碣銘節略蒼石李峻撰

南陽之洪其來自唐至于文正益大而昌

陽坡先生實紀卷之二



